

Явление 11

Отрокъ ѿже придетъ с материю во градъ і у благочестиваго князя с нею живяше, прослышавъ, яко под царство отца его подступаютъ неприятели, просится у матери своей, чтобъ его отпустила на войну защититъ царство отеческое. Мать его не отпускаетъ, князь же той у нѣ упроси, і она, благословивъ его, отпускаетъ.

Матери седящу, сынъ поклонившися глаголетъ.

л. 27

Отрокъ

605 Не смею азъ, любезная мати, тя просити,
не смею мою нужду бедны объявити,
вемъ, что не послушаешъ, что азъ ти глаго у,
ниже мою охотно исполниши волю.

М а т ь

Глаголи, мое чадо любезны, драгое,
готова исполнити, аще есть благое.

С ы н ь

610 Прошу, вселюбезная і драгая мати,
сия мои словеса охотно прияти.
Слышино мнѣ, яко со отцемъ моимъ брань начася
враговъ грубыхъ варваръ і онъ в печалъ дася,
не ведаетъ, какъ ему той брани отбыти,
615 врази бо его хотятъ в конецъ істребити.
Сего ради ты прошу, любезная мати,
миръ і благословения і волю мнѣ дати,
азъ же съехавъ і отцу тамо предъявлюся
і с варвары, какъ могу, силно поборюся.

л. 27 об.

М а т ь

620 Ахъ, горе мнѣ бесчасной, горе мнѣ убогой,
нестъ мнѣ радости кроме печали премногой,
что глаголеши сия мнѣ глаголы слезны,
что мя сокрушаешъ, о сыне любезны,
почто такимъ советомъ мене оскорбляешъ,
625 злейшую уже печалъ нынѣ объявляешъ,
печалихся о царстве і плакахъ в пустынѣ,
скорбѣхъ лвицей от мене о отъятъ сынѣ,
нынѣ же быти чювствую печалъ мянѣ горчайшу